

Kinandi - Ekibuya-Ekibi Obülengekanĩa Amasako - Good-Bad Mind Scriptures

Ekibuya Obülengekanĩa - Good Mind Scriptures

Mariko 5:15 Mobahĩka uku Yesu mobalebya omundu oyo wabya kw'esyombĩngä nyingi, ũnianikere, inianambite, iniabiribya mundu w'obülengekanĩa. Neryo abosĩ mobubaha.

Luka 8:35 Neryo abandu mobayalebya ebyabere; mobahĩka uku Yesu, mobeya omundu oyo wabya kw'esyombĩngä ũsyabírimülükere ũnianikere oko bisando bya Yesu, iniambite esyongimba, iniabiribya mundu w'obülengekanĩa, neryo abosĩ mobubaha.

Emibírř Y'Abakwenda 17:11 Níkwa abandu b'eBeroya babya bandu babuya kwilaba bandu b'eTesalonika. Mobangirira ekínywa kya Nyamuhanga n'omühwa, ūbakasondaya omo Masako obuli kiro erírebya emyatsi eyí nga ni kwenene.

Emibírř Y'Abakwenda 20:19 Nabya ngakolera Omukama n'erýíkehya, omo mísónĩa, n'amalíge ebyanyíhíkako busana n'esyombíta sy'Abayüda.

Abanya Roma 7:25 Wasíngya uku Nyamuhanga busana n'Omukama wetu Yesu Kristo. Neryo ūngye omo bülengekanĩa ngakola emigambo ya Nyamuhanga, níkwa omo mubiri ngakolera emigambo y'ebibi.

Abanya Roma 8:6 Kusangwa obülengekanĩa obukakwama omubiri bukaleta oluholo; níkwa obülengekanĩa obukakwama Omülímü bukaleta engebe n'obuholo.

Abanya Roma 8:27 Neryo Nyamuhanga oyukalangira emitima y'abandu anasĩ obülengekanĩa bw'Omülímü, kusangwa Omülímü akasabira abandu ba Nyamuhanga ng'erisonda lya Nyamuhanga ngoko liri.

Abanya Roma 11:34 Ngoko kísakíre kiti, Nindi wabiriminya obülengekanĩa bw'Omukama kwehř? Nindi wangabya mühanř wuwe kwehř?

Abanya Roma 12:2 Símüsosekanřbawe n'emyatsi y'ekihugo kino, níkwa muleke Nyamuhanga eribahindula n'eribaha obülengekanĩa buhya-buhya. Mutya mwasyatoka eriminya erisonda lya Nyamuhanga. Erisonda erř ni ribuya, kandi líkatsemesaya, kandi líhíkene.

Abanya Roma 12:16 Mubyé n'obülengekanĩa buguma omo katíkatí kenyř; simubyé n'obülengekanĩa bw'eriyiheka, níkwa musibe n'abahehere. Simuyiganze ng'ab'amenge.

Abanya Roma 14:5 Omundu muguma akaganza ekiro kiguma mo kikulu kwilaba ekindi, n'ogundi akaganza ebiro byosĩ ng'ebindi. Obuli mundu aminye ndeke ebyo amalíga omo bülengekanĩa buwe.

Abanya Roma 15:6 Neryo ūnywe bosĩ haguma n'omulenge muguma, imwapipa Nyamuhanga Tata w'Omukama wetu Yesu Kristo.

1 Abanya Korinto 1:10 Neryo balíkyetu, ngabalemba-lemba omo lína ly'Omukama

wetu Yesu Kristo, nyiti ūnywe bosī mūbūge kiguma. Nyiti sihabye erigabana omo katīkatī kenyū, nīkwa mubohane omo būlengekanīa buguma n'omutima muguma.

- 1 Abanya Korīnto 2:16 Ngoko Amasako akabūga ati, Nindi yo wasī obūlengekanīa bw'Omukama kwehī? Nindi yo wangatoka erimuhana kwehī? Nīkwa ūtwe tuwite obūlengekanīa bwa Kristo.
- 2 Abanya Korīnto 7:7 Kandi si busana n'erīhīka lya Tīto lisa, nīkwa engulu aleta moyasūbya emitima yetu y'omo nda, kusangwa mwatubwira omwatsi wenyū ngoko mwamūkīranaya, kandi ngoko muli n'olukando busana nage, n'eririra lyenyū, n'omuhwa wenyū busana nage. Kyo kyaleka lino inatsema ndeke.
- 2 Abanya Korīnto 8:12 Nīkwa mwamabya n'omūhwa w'erīhītya, Nyamuhanga akalīga ebyo mundu awite, butsira ebyo atawite. (1 Kronīka 28:9)
- 2 Abanya Korīnto 9:2 Kusangwa nyīnasī omūhwa wenyū w'erīwatīky, kandi nabiribahalambira oko bandu b'eMakedonīa. Nyiti, abandu abali omo kihugo ky'Abagīrīkī, babya basīkire oko mwaka ovalaba. Kandi omūhwa wenyū abirireka abangi ba kubo nabo ibanza erīhīra omo kībo ekyo.
- 2 Abanya Korīnto 13:11 Neryo balīkyetu, obuholo! Mukwame erīhīkana, mowe ebyo ngabūga; mubye n'obūlengekama buguma, musibe buholo; na Nyamuhanga w'olwanzo n'ow'obuholo asyabya haguma nenyū.

Abanya Efeso 4:23 Mubye bahya-bahya omo mitima wenyū n'omo malengekanīa wenyū.

Abanya Fīlīpī 2:2-5 Byamabya bitya, mūsūlaye, omutima wage n'obutseme. Mubye n'amalengekanīa maguma, mubye n'olwanzo luguma, mubye n'omutima muguma, n'obūlengekanīa buguma. 3 Simukole mwatsi omo mwaga w'obutimane, kutse busana n'eriyipipa, nīkwa mūyīkehaye, imukaganza obuli mundu mo mubuya kwilaba ūnywe. 4 Mūtegaye ebīndu by'abandi butsira erilwira ebyawe bisa. 5 Mubye n'obūlengekanīa obū bwa Kristo Yesu,

Abanya Fīlīpī 4:2 Ngahatikana Eodīna Sīntīke babye n'obūlengekanīa buguma ng'abalīkyetu b'Omukama.

Abanya Fīlīpī 4:7 N'obuholo bwa Nyamuhanga, obūlabīre amenge gosī, bwasyateya emitima wenyū n'amaganiryā wenyū omwisi wa Kristo Yesu. (Īsaya 26:3)

Abanya Kolosaī 3:12 Neryo muli bandu ba Nyamuhanga. Abiribanza, abiriyisoga ūnywe. Busana n'ekyo tuyire emitima y'eriganyira, omutima w'obubuya, ow'erīyīkehya, ow'obolo. ow'eriyibombeka.

2 Abanya Tesalonīka 2:2 Sīmūsūka-sūkanībawē omo malengekanīa wenyū, kutse simuleke omutima wenyū akalūa omo nda, busana n'ekīrīmū, kutse busana n'eriambuka ambu nī kīnywa kyētu, kutse ebarua yetu biti, Ekīro ky'Omukama kyabīrīhīka.

2 Tīmoteo 1:7 Kusangwa Omūlīmū ogo Nyamuhanga abirituha sialireka tukubaha; nīkwa Omūlīmū wuwe akatūsūlaya omo būtokī n'olwanzo, n'erīyīteya.

Tīto 2:6 Kandi mulemba-lembe abalwana nibya, bayītegaye.

AbaEbrania 8:10 Neryo Omwami Mukulu ati, Enyūma w'ebiro ebyo, nasyayira

endagane haguma n'ekitenga kya Ŧsraeli; Nasyahira Emigambo yage omo malengekanĩa wabo, Kandi nasyasakayo omo mitima yabo. Nasyabaya Nyamuhanga wabo, Nabo basyabaya bandu bage.

- 1 Petero 1:13 Neryo mubye n'amalengekanĩa w'erikola omübiri. Muyitegaye, mühire amaha wenyu ndeke oko lukogo olo Yesu Kristo asyabaletera ekiro asyabisulwa.
- 1 Petero 5:2 Mülisaye esyombuli sya Nyamuhanga esiri omo katikatĩ kenyu. Mulemberesyo kusangwa mwanzire erikola mutya busana na Nyamuhanga, butsira erihatikanwa. Kandi simukole mutya busana n'erihembwa lisa, nĩkwa omo mühwa w'erikola.
- 2 Petero 3:1 Balikyetu banze, eyi ni barua y'akabiri ngabasakira. Omwibiri syosĩ ngalenga eribukya oko bülengekanĩa bubuya.

Yakobo 1:17 Obuli lüsünzo lubuya n'obuli lüsünzo lowene, bikalua endata, kandi bikasira uku Tata w'ekyakakala kyosi, oyutebinduka kutse eriyihindula. (Yobu 23:13)

Eribisulirwa 17:9 Obülengekama obuwite amenge bobu. Emitwe irinda ni bitwa birinda aho mukalii kere. Kandi ni bami balinda.

Ekibi Obülengekanĩa - Bad Mind Scriptures

Mariko 7:21 Kusangwa omo mutima w'omundu mo mukahuluka amalengekanĩa mabi, erisengira, eriba, erita, amaragane, (Ezekiel 38:10)

Luka 12:29 Kandi simusonde ebyo mwasyalya, nebyo mwasyapulya, kandi simuhanga-hangaye emitima.

Emibiri Y'Abakwenda 12:20 Nĩkwa Herode mwahitana oko bandu b'eTiro neSidona. Nabo mobagenda haguma uku Herode ibamabisakana na Balasto oyukategaya ekikali ky'omwami. Nĩkwa mobasaba Herode y'obuholo kusangwa ekihugo kyabo kyabya kikabana akalyo kabu omo kihugo ky'omwami.

Emibiri Y'Abakwenda 14:2 Nĩkwa Abayuda abagana erikirrya mobatsotsererya amalengekanĩa w'Ebihanda, erilwa n'abalikyetu.

Abanya Roma 1:28 Kusangwa bakagana eririga Nyamuhanga omo bülengekanĩa bwabo, Nyamuhanga mwalekabo omo bülengekanĩa bûtsandire erikola emyatsi itatolere.

Abanya Roma 8:6,7 Kusangwa obülengekanĩa obukakwama omubiri bukaleta oluholo; nĩkwa obülengekanĩa obukakwama Omülimu bukaleta engebe n'obuholo. 7 Kusangwa omundu oyukakwama obülangekanĩa bw'omubiri nĩ nzigü uku Nyamuhanga. Sialowa Emigambo ya Nyamuhanga, kandi sialitoka eriwayo.

Abanya Roma 11:20 Kwenene, nĩkwa moyatahulwa busana neritendikirrya lyabo, nawe ukabyamo busana nerikirrya lyawe. Subye ukayiheka, nĩkwa ubahe.

- 2 Abanya Korīnto 10:5 Tūkaheraya obuhaka bw'amabehī, n'obuli mwatsi w'eriyiheka owakapona eriminya lya Nyamuhanga. Kandi tukahamba obuli būlengekanīa erīhīrabo erīowa Kristo.
- 2 Abanya Korīnto 11:3 Nīkwa ngubaha nyiti, Ngoko Eva atebībawa n'amenge mabi w'enzoka, kw'amalengekanīa wenyū asyatsandībwa atya, imwaleka erikwama Kristo n'olwanzo Iwenyū losī, n'omutima wenyū gosī.
- Abanya Efeso 2:3 Netu twabya ng'abo, itukakwama esyongumbu sy'emibiri yetu, itukakola erisonda ly'emibiri yetu n'obūlengekanīa bwetu. Netu nibya ng'abandu bosī, twabya tutolere erihitana n'eritswera lya Nyamuhanga.
- Abanya Efeso 4:17 Ngabūga ekī, kandi ngatūlago haguma n'Omukama nyiti, simusyeswalendera kandi ngoko Bihanda bikalendera, kusangwa amalengekanīa wabo ni buyira.
- Abanya Kolosaī 1:21 Erīmbere ūnywe mwabya hali uku Nyamuhanga imwabiriyiyira mo nzīgū siwe omo būlengekanīa bwenyū busana n'emyatsi mibi mwabya mukakola. (eMīsyo 21:27; Ezekīelī 23:17)
- Abanya Kolosaī 2:18 Simuleke omundu eribatswera n'eribateba ati abirilota esyonzolī, kutse oyo wanzīre erīyīkehya, n'erīramya abamalaīka. Omundu oyū akayīhamaya buyira busana n'obūlengekanīa buwe.
- 1 Abanya Tesalonīka 5:14 Kandi tukabalemba-lemba, balīkyetu, tuti muhane abakagalaganda, mūhamīraye ab'omutima owasīkerere, mūwatīkaye abandu bosī, mubyē n'omutima w'eriyibombeka busana n'abandu bosī.
 - 2 Abanya Tesalonīka 2:2 Sīmūsūka-sūkanībawe omo malengekanīa wenyū, kutse simuleke omutima wenyū akalūa omo nda, busana n'ekīrīmū, kutse busana n'eriambuka ambu nī kīnywa kyetu, kutse ebarua yetu biti, Ekiro ky'Omukama kyabīrīhīka.
- 1 Tīmoteo 6:5 Kandi bikaleta erinegena omo katīkatī k'abandu b'obūlengekanīa obūtsandīre, isibakiwite omwatsi w'ekwenene. Bakaganīraya batī, erikenga Nyamuhanga likaleta endūndī y'ebindu.
 - 2 Tīmoteo 3:8 Neryo ngoko Yane na Yambūre balwa na Musa, litya abandu aba bakalwa n'omwatsi w'ekwenene. Abandu aba sībegānīraya, kandi babiritsanda omo myatsi y'ekisomo.
- Tīto 1:15 Oko babuya, ebyosī ni bibuya. Nīkwa oko batsandīre n'abatīkīrīye, sihali kindu kibuya, kusangwa obūlengekanīa bwabo n'obunya-mutima bwabo byabiritsanda.
- AbaEbrania 12:3 Neryo mūganīraye Yesu oyo wayīyīnaya omo būyīgū bw'abakola-nabi, neryo simuluhe kutse erioloba omo mitima yenyū.
- Yakobo 1:8 Kusangwa ni mundu w'emitima ūbīrī, sīasīkīre omo nzira siwe syosī.